

نهاوند



كل شي

يا معلمتني كل شي
ياللي انتي اقرب من يدي
وابعد علي من كل شي !
من يوم غابت ضحكك
مازل فعيوني ضوا
ولا ظل بي غصن ندي
ولا ظل بين الناس حي !!
حاولت ادور لك شبيهه
حاولت ...
لكني اتيه
أتيه
أتيه
وشلون ابلقي للزمن ثاني
او القى للشعر غيرك معاني
او أقول اني عرفت
بالحياة أحد
له مثل قلبك قلب
له مثل حزنك حزن
له مثل فرحك فرح
له مثل مثلك مثل
له مثل شكك شكل
له مثل ملحك ملح
له مثل حربك حرب
او مثل صلحك صلح
وشلون ابلقي للزمن ثاني
او القى للشعر غيرك معاني
لو دريتي كيف هالدنيا تكون
وكيف ماتصبح حياتي هي
حياتي
او مكاني هو مكاني
في غيابك شي غريب
شي لايمكن يكون الا :
رهيب
شي مثل ماتلمس عيونك
صور احباب
وذكرى من غياب
وترجع للظلام
المنطفي
وحدك غريب
وحدك تفتش في زمانك
عن قريب ..
وفجيو ب قلبك عن حبيب !!

حزن وردي

في عيون الكادحين
الشوارع
بامتداد الحزن
صوت خطوات الغريب
والدرايش : ريح بافواه التعب
نار تلعب في رموش المتعبين
كل باب خلفه تتلعثم حكاية
طفل يرسم حلمه غرفه
ما لها جدران لكن .. شبه منفى
في فضاها يحس إنه
يرقل ابقيده سجين
شخبطة فوق الدفاتر
حرف فاطر يكتبه حبر القدر
جرح لونه .. قاني خاثر
والسؤال اللي يسافر
يا جراح الناس طبتي
أم ستبقي
كلما مرك غريب
لحن جرحه تعزفين؟
من سنين
واحنا نبدا م النهاية
كلما تهدم جدار
الليل يغتال النهار
والصباحات الكئيبة
ضحكها أملاح ريبه
كلما مرت على صدر الوجع
جرحها ينزف جفون
في السكون
الليل مطراشه عيون
تزرع اب حضن المخد
ايدين واخضاب الأصابع
ألوان تتشكل حنين
الذل
ثوب معلق ايمشجب سمانا
وكل منفى
ندخله نرتاح .. نغفي
نلبس الغربة ونضحك
غصب عنا
انتمني .. ندق باب الحلم يمكن
نكسر أغلال الظنون
يا عيون الكادحين
بامتداد الحزن نامي
واحلمي بالصبح يمكن
بكره طفل الحلم يكبر
وايتغير
بكره يرسم فوق أوراقه جدار
يلون احدوده وطن
كل مسافاتنه نهار
ثم يمحز حزن وردي
والفرح كراس أخضر
ربما
يصير صاخب هالسكون

منتهى قریش

